

大康縣志

卷之二

三  
卷之二  
縣志

Kodak Color Control Patches

0 10 20 30 40 50 60 70 80 90 100 110 120 130 140 150 160 170 180

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31

風俗

古來尙力縱恣自如涵濡



聖化廬里安居士調絃管農服菑畝歲時伏臘康樂成書志風俗  
輿地記曰豫州之分其人得中和之氣性安舒俗阜人和總  
志曰民俗醇厚勤而好禮處家節儉盡力耕桑風俗記曰士  
風端愿民俗勤勞隋書曰好尙稼穡崇重禮文一統志曰人  
尙節義婚姻畧財喪祭如禮士不市飲民樂輸賦但俗多奢  
靡云舊志云農以木棉爲主錢糧從無拖欠人知敬上士不  
立門戶亦無私相標榜但務實學者寡人情從厚故用度易

奢張筵待客彼此相高鮮衣怒馬遠近相效又云尙氣相高  
睚眦成怨在骨肉之間猶有然者按今康邑風俗與鄰邑不  
甚相遠士務讀書農知力穡工無奇技淫巧市無下里偽物  
人情雖俱從厚頗尙節儉不事奢華意者數十年間風俗與  
化移易異於舊志所云也

婚禮媒氏議合好既允男家先至女家謝女家答之迺請女

家同媒氏擇期行請期禮用幣帛簪珥之類謂之通啟鄉農略之

及期女家具奩先往陳壻室謂之鋪房奩少者隨女送男家用糖卓

羊酒或四或八或十二衣飾如之女氏受儀返聘女字設主

於中堂男家則祀其先壻簪花被紅用鼓樂行親迎禮既還

女乘綵輿隨壻行貧不能親迎者女家自備車送女至門設花燭香案於堂

壻與婦同北向四拜然後入房合巹至三日壻引婦廟見畢

拜父母舅姑於堂拜伯叔父母及兄嫂婦費用履襪巾枕之

類女家送飯三日兩家姻黨亦各執酒捧盤殮往饋謂之餽

飯因而會飲謂之完飯九日婦歸寧壻同往執贄拜婦之父

母謂之回門

喪禮始死焚紙人馬曰倒頭馬陰陽家寫列禁忌出殃日日

殃狀其夕孝子率家人至土地廟或城隍廟燒紙日乞廟三

日殮或一其夕孝子具燈火焚舍伙於先塋舍火即去塋遠

即焚於道旁曰送行親鄰亦具酒殺為餞四日成服七日奠

七七而止百日又奠週一歲至再週三週皆致祭親鄰亦往

祭葬無定期葬之日親鄰皆送士大夫家備功布諸儀餘用

棺罩舍伙既窆貴者立碑表賤者坏土而已不為小祥大祥

服二十七月服滿三週始除服

祭禮有廟祭於廟無廟者堂上供祖先位朔望及四時之祭

男女各以次拜跪寒食節七月十五祭於墓十月之初亦然

兼剪紙為衣焚之謂之送寒衣

元日長幼夙興設酒醴脯果拜天祭祖稱觴拜尊長親友互

相賀為酒食相邀元夜設果醴蒸麪作小燈張設戶牖間街

市張燈紙炮鼓吹聲光輒過夜半十六結伴遊寺廟亦或作

橋過之謂之走百病二月十五花朝至寒食清明攜酒郊遊

謂之踏青端午解角黍飲菖蒲酒貼艾虎小兒帶五色絲親

友或以時物相餽六月六日黎明汲水造酒醬晝曝書衣以

麥麩炒拌鹽糖食之曰除腹痛七夕乞巧中秋設月餅西瓜

於庭候月升祭之家人相暢飲重陽蒸糕相餽登高飲酒十

月農工畢田家置農器於場具酒殺祭之祭畢相餉勞及佃

人俗曰臥穰冬至紳士相拜賀煮赤小豆食之以湯洒地曰  
 辟瘟十二月八日雜豆果煮粥曰臘八粥臘中汲水造酒經  
 年不壞二十三日設酒脯飴糖祀竈二十四日掃舍宇除日  
 多嫁娶易門神桃符守歲食扁食焚辟瘟丹

長興縣志卷之三

秋祀

先師先嗇乃聖乃神趨蹌濟濟俎豆莘莘下舞上歌蹈德  
 咏仁忠孝節義合肅明禋志秋祀

文廟祭儀

春秋二仲月上丁日祭獻官散齋二日致齋一日前一日演  
 樂省牲祭日三更鼓祭事皆備鼓再嚴樂舞生執事者各立  
 丹墀左右鼓三嚴引贊引各獻官廟門外立通贊唱樂舞生  
 就位樂生各序立於廟庭奏樂之所兩司曾者分引舞生至

丹墀東西兩階各序立於舞佾之位兩司節者退至舞生兩班之首持節相向立唱執事者司事陪祭官就位分獻官就位獻官就位引贊引獻官至拜位引贊退位唱瘞毛血執事者捧毛血正廟由中門出四配十哲兩廡由左右門出瘞於坎遂啟俎蓋唱迎神樂奏昭平之章麾生揚麾樂生擊祝樂作司節舉節舞生執籥秉翟而舞俱行三跪九叩首禮與麾生偃麾樂盡楸啟司節伏節舞生罷舞唱奠帛行初獻禮捧帛者捧帛執爵者執爵引贊引獻官詣盥洗所勺水淨巾引詣酒尊所司尊者舉罍酌酒執爵者捧帛者在獻官前行正廟帛爵由中門入四配帛爵由左門入各於神案側立引贊引獻官亦由左門入詣

至聖先師孔子神位前樂奏宣平之章麾生揚麾樂生擊祝樂作司節舉節舞生執籥秉翟而舞獻官跪捧帛者西向跪進帛獻官獻帛授接帛者奠於神位前案上執爵者西向跪進爵獻官獻爵授接爵者奠於神位前行三叩首禮與詣讀祝位祝位在香案前引贊引獻官至祝位麾生偃麾樂暫止讀祝者跪取祝文退立於獻官左獻官并各官及讀祝者皆跪讀祝文讀畢行三叩首禮與麾生舉麾樂生接奏未終之樂引贊引獻

官詣

復聖顏子神位前跪捧帛者跪進帛於獻官右獻官獻帛授  
接帛者奠於神位前案上執爵者跪進爵於獻官右獻官獻  
爵授接爵者奠於神位前叩首興以次詣

宗聖曾子神位前

述聖子思子神位前

至聖孟子神位前儀同復聖復位引筮引獻官至原拜位立  
通贊唱行分獻禮各引贊引分獻官詣盥洗所勺水盥巾引  
詣酒尊所司尊與羣酌酒各引贊引分獻官至十哲兩廡神

位前跪捧帛者跪進帛分獻官獻帛授接帛者奠於神位前  
捧爵者跪進爵分獻官獻爵授接爵者奠於總案上執事者  
於各神前自奠一爵叩首興復位麾生偃麾樂盡櫟啟司節  
伏節舞生罷舞通贊唱行亞獻禮引贊引獻官詣酒尊所司  
尊者舉羣酌酒詣

至聖先師孔子神位前樂奏秩平之章麾生揚麾樂生擊祝樂作  
司節舉節舞生執籥秉翟而舞儀如初獻復位麾生偃麾樂  
盡櫟啟司節伏節舞生罷舞通贊唱行終獻禮引贊引獻官  
詣酒尊所司尊者舉羣酌酒詣

至聖先師孔子神位前樂奏敘平之章麾生揚麾樂生擊祝樂作  
司節舉節舞生執籥秉翟而舞儀如初獻復位四配十二哲  
兩廡亞終二儀胥同初獻樂作佾舞獻爵諸儀畢復位麾生  
偃麾樂盡櫟敵司節伏節舞生罷舞通贊唱飲福受胙進福  
酒者捧爵進福胙者取正壇羊左肩胙置於盤引贊引獻官  
詣飲福位跪飲福位  
卽祝位捧福酒者跪進酒於獻官右獻官受飲  
以爵授接爵者捧福胙者跪進胙於獻官右獻官受胙以胙  
授接胙者由中門捧出謝神惠行三叩首禮興復位跪叩首  
再叩首三叩首各官同唱徹饌樂奏懿平之章樂生奏如前

式執事者跪舉籩豆一器一舉而徹兩班司節分引舞生於  
丹墀東西相向序立不舞麾生偃麾樂盡櫟敵唱辭神樂奏  
德平之章樂生奏如前式各官俱行三跪九叩首禮麾生偃  
麾樂暫止讀祝者捧祝奠帛者捧帛各詣瘞所正廟由中門  
出四配十二哲兩廡帛由左右門出唱望瘞麾生揚麾接奏  
前樂引贊引獻官分獻官陪祭官至瘞所唱焚文帛九段焚  
訖麾生偃麾樂止復位通贊唱禮畢

先師廟祭文

維年月日某官某致祭於

至聖先師孔子曰維

先師德隆千聖道冠百王揭日月以常行自生民所未有屬文教

昌明之會正禮和樂節之時辟雍鐘鼓咸恪薦於馨香泮水

膠庠益致嚴於籩豆茲當春秋仲祗率彝章肅展微忱事將祀

典以 復聖顏子 宗聖曾子 述聖子思子 亞聖孟子

配尚饗

乾隆八年部頒樂章

春季樂章夾鐘為宮倍應鐘起調秋季樂章南呂為宮仲呂

起調

凡樂以月律為宮下羽起調畢曲春夾鐘宮二月卯律也秋

南呂宮八月酉律也

迎神樂奏昭平之章 無舞

大哉孔子 羽宮商角 先覺先知 羽徵角商 與天地參 羽角徵角 萬世之師 羽徵角角 祥徵麟 角徵宮

絃韻答金絲 商宮徵羽徵 日月既揭 官商羽角 乾坤清夷 官商宮羽

初獻樂奏宣平之章 有舞

予懷明德 羽宮商角 玉振金聲 徵宮羽徵 生民未有 商宮徵角 展也大成 官商角商 俎豆干 角徵羽

古春秋上丁 商商角商 清酒既載 羽徵官羽 其香始升 官商官羽

亞獻樂奏秩平之章 有舞

式禮莫愆羽宮商角 升堂再獻徵角宮羽 響協鼓鏞徵角宮商 誠孚豐獻角徵角羽 肅肅雍雍角角商  
雍商 譽髦斯彥宮羽徵羽 禮陶樂淑徵角宮商 相觀而善角商宮羽

終獻樂奏敘平之章有舞  
自古在昔羽宮角商 先民有作徵角宮商 皮弁祭菜角徵角羽 於論斯樂徵角商宮 惟天牖

民角 惟聖時若宮徵角商 彝倫攸敘角角徵羽 至今木鐸徵角宮羽  
徹饌樂奏懿平之章無舞

先師有言羽宮商角 祭則受福羽徵羽角 四海覺宮官羽角徵 疇敢不肅官商宮羽 禮成告角徵羽  
徹角 毋疏毋瀆官商宮羽 樂所自生角徵角羽 中原有菽角商宮羽

送神樂奏德平之章無舞

鳧繹載載羽宮商角 洙泗洋洋徵羽宮商 景行行止徵羽角徵 流澤無疆官商角商 聿昭祀

事羽 祀事孔明羽徵角商 化裁蒸民羽角羽徵 育我膠庠官商宮羽

律呂正義旋宮起調表各律皆以下羽主調正羽同調首而無半宮之音乾隆十二年秋太常樂工來闕里教肄新樂其奏歌章惟宣平秩平德平三曲起調六曲畢曲及懿平瀆字用下羽餘皆歌正羽高聲又昭平章之韻字宣平章之振字既字秩平章之再字譽字敘平章之祭字懿平章之四字不字自字德平章之祀字此十字皆歌半宮高聲是為下羽至半宮凡七聲意者正羽既同調首亦可起調而半宮子聲又

大常歌工之變例也闕里文獻考

祭器乾隆六年奉文製造祭樂等器頒發

銅爵三十  
白磁器三十

尊八  
牲俎二十九

銅十一  
簋三十  
簠三十  
登一

籩一百  
錫豆一百四  
帛篚二十四

洗一  
奠池一  
毛血碟二

香盒二  
祝板二  
龍勺二

木盤五十  
福爵  
胙盤

錫香爐十一  
錫燭臺十一  
錫花瓶十一

高燈二十  
懸燈二十  
燎叉一

燎鋏  
燔爐一

樂器

旌節二  
麾一  
金鐘十六  
玉磬十六  
搏拊二  
祝一

敵一  
塤二  
篪二  
琴二  
瑟一  
笙二

簫二  
排簫二  
笛二  
羽三十六  
簞三十六  
鐘

鼓

祭品

形鹽 藁魚 棗 栗 榛 菱

芡 鹿脯 白餅 黑餅 糗餌 粉餌以上

蕤苴 菁苴 芹苴 笋苴 鹿醢 醢醢

兔醢 魚醢 豚胎 脾 肝 鮑食

糝食以上 黍 稷以上 稻 粱以上 太羹 實

菜羹 釀 犢 羊 豕 鹿 酒

舞譜

初獻

自稍前向外  
開籥舞

生踏向裏  
開籥舞

民合手蹲  
朝上

來起餅身向外高  
舉籥面朝上

誰兩兩相對蹲  
東西相向

宸合手蹲  
朝上

其正  
揖

盛起平身出  
左右手立

惟兩兩相對自下  
而上東西相向

師稍前舞舉  
籥垂翟

神中班轉身東西相向立  
惟兩中  
班十二人轉身俱東西相向

明舉翟二  
合籥

度稍前向外  
垂手舞

越踏向裏  
垂手舞

前向前合手謙進  
步雙手合籥

聖回身再讓退步側身  
向外高手回面向上

棗正蹲  
朝上

帛稍舞躬身挽手側身向  
外呈籥耳邊面朝上

具正  
揖

成起辭身挽手  
復舉籥正立

禮兩兩相對交籥兩  
班俱東西手執籥

容正

斯籥向外退挽手執  
籥向外面朝上

稱回身  
正立

黍稍前  
舞

稷正蹲  
朝上

非左右垂手兩班上下  
俱雙垂手東兩相向

馨起合手  
相向立

惟左右側身垂手向  
外開籥垂手舞

神右側身垂手  
向裏垂手舞

之正揖  
朝上

聽躬而受之躬身朝上拱  
籥而受之三鼓畢起

亞獻

大左右進步向  
外垂手舞

哉右向裏  
垂手舞

聖向外落籥  
面朝上

師退向正  
身立

實正

天起身向前  
轉向外舞

生向裏  
舞

德合手謙進步向前  
雙手合籥蹲謙

作兩兩相對自下而上  
兩班相舉籥東西

樂上下俱垂手惟兩中班上  
下二人俱垂手轉身東西相向

以轉身東西  
相向立

崇相向立兩班上  
下以翟相籥

時稍前舞蹈兩班上  
下俱垂手向外

祀向裏垂  
手舞

無合手謙進步向  
前垂手合籥

斲回身再謙兩班上下  
東西相向合籥立

清稍前舞向  
外開籥翟

酏向裏  
舞

惟雙手平執籥  
翟開籥翟

馨合籥翟朝  
上正立

嘉 側身垂左手兩班  
俱垂手向外舞

牲 躬身  
正揖

孔 雙手舞籥  
翟躬身

碩 躬而受之一鼓而起  
拱籥受之一鼓而起

薦 一叩頭舉  
右手叩頭

羞 舉左手  
叩頭

神 復舉右  
手叩頭

明 拜一鼓畢即起  
躬身三鼓平身

庶 三舞蹈舉籥  
向左躬身舞

幾 舉籥向右  
躬身舞

昭 舉籥復向  
左躬身舞

格 拱籥躬身  
而受之

終獻

百 向外開  
籥舞

王 向裏開  
籥舞

宗 側身向外  
面朝上

師 朝上  
正立

生 兩班上下兩  
班相對交籥

民 合手朝  
上正蹲

物 側身向  
裏落籥

軌 合籥朝  
上正立

瞻 向外開  
籥舞

之 向裏開  
籥舞

洋 開籥朝  
上正立

洋 合  
籥

神 向外開  
籥舞

其 向裏開  
籥舞

寧 進步向前  
雙手合籥

止 回身東西  
相向手謙

酌 向外開  
籥舞

彼 向裏開  
籥舞

金 開籥朝  
上正立

曩 合籥朝  
上正立

惟 向外垂  
手舞

清 向裏垂  
手舞

且朝上

旨躬身而受之

登躬身向左合籥舞

獻躬身向右合籥舞

惟躬身復向左右籥

三合籥朝上拜一鼓便起身

於側身向外垂手舞

嘻側身向裏垂手舞

成朝上正立

禮躬身而受之

舞器

節羽籥

引樂摩生二人

樂生四十八人

引舞司節二人

舞生六十四人

摩

節

歌工琴

搏拊笙

篪

舞舞舞舞舞舞舞舞

歌工琴

瑟

鐘

舞舞舞舞舞舞舞舞

歌工琴

祝

排籥填

舞舞舞舞舞舞舞舞

舞

位

次

敵

歌工琴

笛排籥填

舞舞舞舞舞舞舞舞

歌工琴

瑟

磬

舞舞舞舞舞舞舞舞

歌工琴

搏拊笙

舞舞舞舞舞舞舞舞

摩

節

大邑縣志 卷之三  
崇聖祠同日先祭減樂舞太牢太羹一登餘儀同

祝文

維

王奕葉鍾祥光開聖緒盛德之後積久彌昌凡聲教所覃敷率循

源而溯本宜肅明禋之典用申守土之忱茲屆仲春秋事修祀

事配以 先賢顏氏 先賢曾氏 先賢孔氏 先賢孟孫

氏尙饗

名宦祠每歲春秋釋奠 文廟畢祭官服吉服行禮

祝文

昔官茲土咸有樹立燬非鋒成功非掩飾孰彰於前孰遠於

聞穹碑信史遺跡芬施德死勤著在舊典禮以成之敢用

弗腆麗牲載酌進公之堂擊鼓迎神神其我享

鄉賢祠每歲祀名宦祠事畢卽祀儀式如之

祝文

民以俗習賢因地靈身彝行獲鄉人所經或器沉涵或節積

厲要其歸趣若執左契某水某邱公所昔遊文獻之餘賴有

前修我享惟時以妥以侑颯然精爽薦我籩豆

忠義祠每歲祀鄉賢祠事畢卽祀儀式如之

祝文

維靈稟性貞純躬行篤實忠誠奮發貫金石而不渝義問昭  
宣表鄉閭而共式祗事懋彝倫之大性肇蒿莪克恭念天顯  
之親情殷棣萼模範或推夫懿德恩綸特闡其幽光祠宇維  
隆歲時式祀用陳尊簋來格几筵尚饗

文廟正祀

至聖先師孔子正中南向

東配西向

復聖顏子諱回字子淵曲阜人

述聖子思子諱伋字子思至聖孫

西配東向

宗聖曾子諱參字子輿南武城人

亞聖孟子諱軻字子與鄒人

東哲西向

先賢閔子諱損字子騫魯人

先賢冉子諱雍字仲弓魯人

先賢端木子諱賜字子貢衛人

先賢仲子諱由字子路卞人一云衛人

先賢卜子諱商字子夏衛人

先賢有子諱若字子若一字子有魯人

西哲東向

先賢冉子諱耕字伯牛魯人

先賢宰子諱予字子我魯人

先賢冉子諱求字子有魯人

先賢言子諱偃字子游吳人

先賢顓孫子諱師字子張陳人

公康熙五十年升配

東廡先賢

先賢蘧瑗字伯玉衛大夫

先賢原憲字子思魯人

先賢商瞿字子木魯人

先賢司馬耕字子牛宋人

先賢公孫龍字子石楚人

先賢顏辛字子柳魯人

先賢朱子諱熹字元晦一字仲晦宋婺源縣人諡文

先賢澹臺滅明字子羽武城人

先賢南宮适字子容魯人

先賢漆雕開字子若蔡人

先賢巫馬施字子期魯人一云陳人

先賢秦商字子丕楚人

先賢曹卹字子循蔡人

先賢顏高字子驕魯人

先賢石作蜀字子明成紀人

先賢后處字子里齊人

先賢顏祖字子襄魯人

先賢秦祖字子南秦人

先賢公祖句茲字子之魯人

先賢樂歆字子聲魯人

先賢孔忠字子茂至墨兄孟皮子

先賢顏之僕字子叔魯人

先賢壤駟赤字子徒秦人

先賢公夏首字子乘魯人

先賢奚容蒧字子皙衛人

先賢句井疆字子野衛人

先賢縣成字子棋魯人

先賢燕伋字子思秦人

先賢狄黑字子皙之衛人

先賢公西蒧字子蒧魯人

先賢施之常字子桓魯人

先賢申棖 字子周 魯人

先賢左邱明 中都人

先賢秦冉 字開 蔡人

先賢牧皮

先賢公都子

先賢公孫丑 齊人 雍正二年升祀

先賢張載 字子厚 長安人

先賢程頤 字正叔 洛陽人

西廡先賢

先賢林放 魯人

先賢宓不齊 字子賤 曲阜人

先賢公冶長 字子長 齊人

先賢公皙哀 字季次 齊人

先賢高柴 字子羔 衛人

先賢樊須 字子遲 齊人

先賢商澤 字子秀 魯人

先賢梁鱣 一作鯉字 叔魚齊人

先賢冉儒 字子魯或 作曾魯人

先賢伯虔 字子析 魯人

先賢冉季 字子產 魯人

先賢漆雕徒父 字子有 魯人

先賢漆雕哆 字子斂 魯人

先賢公西赤 字子華 曲阜人

先賢任不齊 字子選 楚人

先賢公良孺 字子正 陳人

先賢公肩定 字子中 魯人

先賢鄆單 字子家 聊城人

先賢宰父黑 字子索 魯人

先賢榮旂 字子祺 魯人

先賢左人郢 字子行 魯人

先賢鄭國 字子徒 魯人

先賢原亢 字子籍 魯人

先賢廉潔 字子遭一字 子庸衛人

先賢叔仲會 字子期魯人 一作晉人

先賢公西與如 字子上 魯人

先賢邽選 字子斂 魯人

先賢琴張 字子開 衛人

先賢秦非 字子之 魯人

先賢顏何 字冉 魯人

先賢樂正克 字正子 齊人

先賢周敦頤 字茂叔 道州道縣人

先賢邵雍 字堯夫 洛陽人

東廡先儒

先儒公羊高 齊人

先賢陳亢 字子禽 陳人

先賢步叔乘 字子車 齊人

先賢顏噲 字子聲 魯人

先賢縣亶 字子象 魯人

先賢萬章

先賢程顥 字伯淳 洛陽人

先儒孔安國 字子國 魯人 孔子後

先儒毛萇 字點 一字長公 趙人

先儒鄭康成 字處 高密人

先儒王通 字仲淹 本琅琊人

先儒歐陽修 字永叔 本琅琊人

先儒尹焞 字彥明 洛陽人

先儒蔡沈 字仲舉 建陽人

先儒陳淳 字安卿 龍溪人

先儒王柏 字會之 金華人

先儒許謙 字益之 京兆人 徙金華

先儒高堂生 字伯漢 魯人

先儒諸葛亮 字孔明 瑯琊陽都人

先儒司馬光 字君實 陝西夏縣人

先儒胡安國 字康侯 崇安人

先儒呂祖謙 字伯恭 婺州人

先儒陸九淵 字子靜 金谿人

先儒蔡元 字華父 蒲江人 一作甫

先儒許衡 字平仲 河內人

先儒吳澄 字幼清 崇仁人 隆三年復祀

先儒王守仁 字伯安 餘姚人

先儒羅欽順 字允升 泰和人

先儒湯斌 字潛菴 雒州人 道光四年從祀

西廡先儒

先儒殷梁亦 一名淑一 字元始 嘉善人

先儒后蒼 字近君 東海人

先儒杜子春 字時元 河南人

先儒韓愈 字退之 南陽人

先儒范仲淹 字希文 邠州人 康熙五十四年從祀

先儒王陽明 字伯安 餘姚人

先儒孫承澤 字稼書 平湖人 雍正二年從祀

先儒黃道周 字幼平 漳浦人 道光四年從祀

先儒沈德潛 字子張 青浦人

先儒董仲舒 字寬夫 廣川人

先儒范甯 字武子 順陽人

先儒陸贄 字敬輿 嘉興人 道光六年從祀

先儒胡瑗 字翼之 海陵人

先儒楊時 字中立 將樂人

先儒羅從彥 字仲素 劍南人

先儒李侗 字愿中 劍浦人

先儒張栻 字敬夫 綿竹人

先儒黃幹 字直卿 閩縣人

先儒真德秀 本姓慎 避諱改 字希元 浦城人

先儒何基 字子恭 金華人

先儒趙復 字仁甫 德安人

先儒金履祥 字吉父 蘭溪人

先儒陳澧 字可大 都昌人

先儒陳獻章 字公甫 新會人

先儒胡居仁 字叔心 餘干人

先儒蔡清 字介夫 晉江人

先儒呂坤 字簡叔 寧陵人 道光六年從祀

先儒劉宗周 字起東 山陰人 道光四年從祀

崇聖祠正祀 明嘉靖十年詔子雖齊聖不先父食 別建一祠 祀啟聖公 雍正三年改為崇聖祠 加封王爵 秩祀

肇聖王 至聖五世祖木金父

裕聖王 至聖高祖祈父公

詒聖王 至聖曾祖防叔公

昌聖王 至聖祖伯夏公

啟聖王 至聖父叔梁紇

四配

先賢顏氏 顏子父諱無繇字路

先賢孔氏 子思子父諱鯉字伯魚

從祀兩廡 明嘉靖十年詔從祀

先賢曾氏 曾子父諱點字皙

先賢孟孫氏 孟子父諱激字公宜

先儒程氏 諱珦字伯溫程顥程頤父

先儒張氏 諱澍張載父雍正二年增祀

先儒周氏 諱輔成敦頤父

先儒朱氏 諱松字喬年熹父

先儒蔡氏 諱元定字季通沈父

名宦祠

宋 吳擇仁 明 應百和 崔壽 王珣 方亨

劉 徽 韓崇福 徐大經 雷沛 孫維成

張國士 魏令望 張冲

國朝 田六善 朱愍勤 佟鳳彩 李蔭祖 張九徵

鄉賢祠

漢 黃霸 彭宣 晉 何曾 袁瓌 袁喬

袁宏 謝安 謝元 謝尚 袁淑

袁粲 唐 劉元佐 韓宏 韓充 宋 沈倫

元 韓克昌 韓元善 明 王元佐 王鈍 韓鐸

傅安 顧佐 王淪 張忠 郭濟

郭緒 韓禹 安仁 師存智 王朝元

秦尙明 郭顯忠 顧鏡 耿光 王朝賢

張修德 曾省信 張維世

國朝 許重華 耿於彝 耿燿 王永隆 耿奇

劉心乾 楊達 王輔 馮貞吉 柳同春

王鎰 耿炳 補遺

忠義祠

漢 功臣馮異 五代 宋忠臣袁粲

五代 宋孝子袁最 明 義士王元佐

明 贈少保顧佐 明 尙書王鈍

明 侍郎王淪 明 孝行郭存志

明 義士王相 明 義士李紇

明 孝行陳智 明 烈士韓巍

本朝 忠臣楊達

狼山總兵柳同春

節孝祠

明

節婦張李氏 節婦劉趙氏 節婦趙鄭氏 節婦郭王氏

節婦崔陳氏 節婦郭魏氏 節婦師毛氏 節婦馮孟氏

節婦王孫氏 節婦張李氏 節婦劉李氏 節婦王高氏

節婦王葛氏 節婦祝徐氏 節婦王郭氏 節婦畢李氏

節婦劉楊氏 節婦李師氏 節婦許張氏 節婦劉王氏

節婦劉王氏 節婦張王氏 烈婦晉張氏 烈婦李王氏

烈婦李張氏 烈婦張郭氏 烈婦王劉氏 烈婦張朱氏

烈婦劉包氏 烈婦宋王氏 烈婦徐方氏 節婦程劉氏

節婦王李氏 烈婦郭張氏 烈婦毛康氏 烈女杜丁氏

烈婦郭張氏 烈婦劉何氏 烈女王劉氏 節婦王郭氏

國朝

烈婦楊李氏 烈婦柳安氏 節婦許張氏 呂烈女

烈婦劉李氏 節婦張李氏 烈婦趙孫氏 范烈女

烈婦劉吳氏 節婦丁魏氏 節婦王蔣氏 節婦王張氏

烈婦李馬氏 烈婦張高氏 節婦郭李氏 節婦郭周氏

節婦張李氏 節婦李郭氏 節婦王汪氏 節婦王劉氏

節婦商王氏 節婦劉焦氏 節婦盧雷氏 節婦郭黃氏

節婦盧郭氏 節婦耿蔣氏 節婦張王氏 烈婦顧張氏

節婦蘇李氏 節婦馮楊氏 節婦王孫氏 烈婦鄭江氏

節婦孫焦氏 節婦王孫氏 烈婦翟汪氏 孝婦李郭氏

節婦楊耿氏 節婦王汪氏

以上舊志

節婦李張氏 烈婦張王氏 烈婦楊南氏 烈婦王王氏

烈婦高孫氏 烈婦黃畢氏 烈婦戴李氏 烈婦張劉氏

烈婦李韓氏 烈女小劉李氏 烈女王氏 烈女薛愛姐

烈女張桂姐 烈女軒轅氏

社稷壇

主二一縣社之神一縣稷之神俱北嚮每歲春秋上戊日祭文職長官俱朝服行禮帛二用黑祭用太牢

風雲雷雨山川壇

主三中風雲雷雨左山川右城隍俱南嚮春秋上戊長官行禮如祀社稷帛三用白

先農壇

有主每歲耕藉之日主祭官率所屬朝服祭先農禮畢俱更蟒袍補服正印官秉耒佐貳報青箱播種耆老

一人牽牛農夫二人扶犁九推九返農夫終畝耕畢行謝恩禮其農具俱用赤色牛用黑色箱用青色

社稷壇祭文

維年月日某官某致祭於

縣社

縣稷之神曰維

神奠之九土粒食萬邦分五色以表封圻育三農而蕃稼稽恭

大邑縣志 卷之三  
膺百里肅展明禋時屆仲春敬修祀典九九松柏鞏盤石於秋  
無疆翼翼黍苗佐神倉以不匱尙饗

風雲雷雨山川城隍祭文

維年月日某官某致祭於

風雲雷雨

山川

城隍之神曰惟

神贊襄天澤福佑蒼黎佐靈化以流行生成永賴乘氣機而鼓  
盪溫肅攸宜磅礴高深長保安貞之吉憑依鞏固實資捍禦

之功幸聞開之盈寧仰

神明之庇護恭修歲祀正值良辰敬潔豆籩祇陳牲幣尙饗

先農壇祭文

維年月日某官某致祭於

先農之神曰惟

神肇興稼穡粒我蒸民頌思文之德克配彼天念率育之功陳  
常時夏茲當東作咸服先疇洪惟

九五之尊歲舉三推之禮恭膺邑事敢忘民依謹奉彝章率修祀  
典惟願五風十雨嘉祥恒沐於

神庠庶幾九穗雙岐上瑞頻書於大有尙饗

關帝廟

雍正三年奉文擇本境廟之大者春秋二仲五月十三致祭牛一羊一豕一迨封三代公爵不用太牢祭器悉照帝廟禮儀照文廟例遵行雍正六年奉文祭品價銀於本年起運錢糧內勤支銀四十兩六月二十四日印官又私祭

關帝三代三公祭文

維年月日某官某致祭於

關帝之

曾祖光昭公

祖裕昌公

父成忠公曰惟

公世澤貽庠靈源積慶德能昌後篤生神武之英善則歸親宜

享尊榮之報列上公之封爵

錫命優隆令三世以舉禮典章明備恭逢諏吉祇事薦馨尙饗

關帝祭文

維年月日某官某致祭於

忠義神武關聖大帝曰惟

帝浩氣凌霄丹心貫日扶正統而彰信義威震九州完大節以篤

忠貞名高三國

神明如在徧祠宇於寰區靈應丕昭薦馨香於歷代屢徵異績顯

佑羣生恭值嘉辰遵行祀典筵陳饗豆几奠牲醪尙饗

城隍廟祀 舊志唐始封城隍為顯佑伯府志明洪武二年御製城隍廟文曰凡城隍之神皆新其命宜封曰鑒

察司民城隍靈佑侯府志又云城隍所以捍衛城池故其祭與社稷山川同義或祀於壇或祀於廟其禮則一俱准社稷

之例 今按城隍之祀與祭風雲雷雨山川同日同處既祭於壇故不復祭於廟舊志謂官僚蒞政之初宿廟與神相誓

祭用特牲每月朔望肅謁遇災患則禱之祭邑厲請為主舊志所言宿廟之祭今已不行餘如其說

雩祭祭文

維年月日某官某致祭於

社

稷

先農

山川之神曰恭膺

詔命撫育羣黎體

彤廷保赤之誠勤農勸稼念葑屋養生之本力穡服田令甲爰頒

肅舉祈年之典惟寅將事用申請命之忱黍稷惟馨冀明昭

之受賜來牟率育庶豐裕於益藏尙饗

崇祭祭文

維年月日某官某致祭於

城門之神曰惟

神位臨鄧兆默司啟閉之權功在護持顯協保障之義思兆人之攸賴並託

神庥奠四序之常調羣蒙福蔭乃舉瓢齋之典聿修榮祭之文欲占物阜民安須令時和歲稔仰靈樞之廣運屢集嘉祥襄

元化以流形長無苗害尙饗

八蜡廟神牌八曰先嗇之神曰司嗇之神曰百種之神曰坊之神曰水庸之神曰農之神曰郵表畷之神曰貓虎之神以上本府志蓋用明儒徐氏師曾之說確不可易禮記鄭注以百種為報嗇之物故孔疏去百種而增昆蟲非本經之義舊志尤疏謬不足辨也

邑厲壇每歲春清明秋七月望冬十月朔祭之前三日正官率屬詣城隍廟發牒文至日設城隍於壇上設無祀

鬼神牒於壇下左右各官常服告祭攷禮記祭法天子有泰厲謂祭古帝王無後者諸侯有公厲謂祭古諸侯無後者大夫有族厲謂祭古大夫無後者必祭之者鬼有所歸乃不為厲也今日邑厲則凡邑之無祀鬼神胥祭之矣迎城隍主之以正氣祛邪氣也

龍王廟

龍神祭文

維年月日某官某致祭於

龍神曰惟

神德洋寰海澤潤蒼生允襄水土之平經流順軌廣濟泉源之

用膏雨及時績奏安瀾占大川之利涉功資育物欣庶類之

蕃昌仰藉

神庥宜隆祀典肅陳牲幣式薦馨香尙饗

劉猛將軍

府志項城八蜡祠康熙二十六年六月內飛蝗蔽天知縣顧芳宗率士民竭誠步禱旋即消散並未

食禾隨創建瓦房三間於舊址設木主八座每歲遵祀典致祭嗣後他境屢有蝗災獨不入項境僉以為誠之所格云雍正二年奉文劉猛將軍配享今攷蜡祭者合聚萬物而索饗之為十二月之祭劉將軍者王阮亭居易錄云南宋劉漫塘宰為蝗神劉金壇人有專祠往祀之則蝗不為災俗呼莽將以此言之劉將軍為蝗神八蜡乃臘祭之名判然兩祀俗人不識字八蜡之八加蟲旁以為即蝗神而以劉將軍配享失之矣

二賢祠以下六祠俱春秋致祭

王公祠

顧公祠

蕭公祠

楊公祠

韓烈士祠

節孝祠

以上祀典皆舊志所有今所歲時奉祀者又有八處

舜帝廟

土地祠

太康陵

仲康陵

子禽墓

子羔墓

文昌閣

魁星樓

物產

穀宜五種稻只些些漚池有女多糝少麻華實蔚茂飛走

紛拏渦河鮮鯉味致可嘉志物產

穀

小麥 有紅芒白白芒白紅芒紅短杆躁紫杆 大麥 有芒大麥 躁薄地強玉麥白參麥石榴子等名

大穰麥 有二種一類小麥一 蕎麥 一名 粟 有青黃紅白黑五 類大麥俗呼葫蘆頭

小梁 有青梁黃梁白梁皆 黍 有黃白紅黑四種黏者為 稷 有 粟類今人總名為粟 秫 可釀酒不黏者為黍 稷 有

白紅黑 脂麻 有白黑紅三種黑 稻 有陸稻人不多種 蕚 有 四種 胡麻又名巨勝 稻 亦或有種水稻者 蕚 有

白紅黑四種 青豆 有大小 黃豆 本草謂之白豆有三種小者 又有玉菊秫 二種 小黃豆微大者四子豆尤大

者茶 黑豆 有大小 小豆 有黃白紅 紫四種 菜豆 有摘角安 花豆 有大

種 豇豆 有紅白 豌豆 有黃白黎三種 按南方有豌豆 薹豆 與此不同 藕豆 有

白鵲 眉豆 有紅白二種 又有羊 刀豆 寒豆

蔬

白菜 葉大而莖扁者為黃芽白 黑白菜 俗呼為春不老 按南

菜也莖葉甚 芥菜 亦名 蔓菁菜 圖經云即蔓菁也 又云蒜與

大與此不同 蕪菁梗短葉 蒿苳 又有白苳有白毛 稗雅云王舜求云蒿菜

厚者為苳 瞋目不見物 人有中其 蘿蔔 本草名萊菔 有紅白二種 又有

毒者惟生姜汁解之 胡蘿蔔大而圓有紅黃二種 菹菹 嘉話

菹菹 出大宛國 張騫始為武帝言之 其後漢使 渡稜 嘉話

種 銀條菜 其根長尺餘 生菜 苦麻菜 莖葉俱青 藜藜菜 俗

也 菹即芭菜 陸璣疏曰芭似苦菜 莖青白色 摘其葉白汁出 名

肥可生食 亦可蒸為茹 青州人謂之芭 西河雁門芭尤美 胡 名

人戀之不 苘蒿 莧 蒲 根入水 深者 芟白 即菹根也 其

出塞是也 薺 其實名 五香菜 俗名也 莖赤 香菊 而名香菊 不可解也

茄子 一名落蘇 隋煬帝 瓠子 不可食 作瓢 園葵 即胡葵 俗

韭 薤 蒜 薑 茗菜 南方有芸苔 即油菜也 秦荻梨

五辛菜也 俗名秦椒 黃瓜 冬瓜 甜瓜 古人食瓜皆甜瓜 也有龍蹄

青大班 西瓜 楮記室云中國初無西瓜 洪忠宣使金虜 貶遞

可蠲暑疾丹鉛錄引五代胡嶠陷虜記云於回紇得瓜名曰西瓜其言與忠宣同以為至五代始入中國菜瓜

絲瓜 南瓜 白南瓜 此瓜惟王隆集廣種他處種不生瓜性與南瓜殊可切條晒乾煮食味與

瓠條相似遠近負麻姑 字或作磨菇夷門廣牘云蕓茹海河販土人因以為利之地多有之惟出考城者勝土人採

食或曰無種蓋遺椿芽 葛花 山藥 百合 蓼 說文云腐船木所生也

也

果

桃 有子生接杏 李 有玉黃梨 有圓梨 蟬 核桃 銀杏 柿 生及凍桃

有鏡面牛心磨盤蓮 棗 有大小 羊棗 蒲萄 與苜蓿俱出大花等名紅黃二種

來於是石榴 有紅白二種 文官果 北地有文官果形如螺味始種之

即是也金囊又訛為檳榔遂以文官果為櫻桃 圖經深紅者馬檳榔不知文官果樹生馬金囊莫生也

白者謂頻婆果 唐鄭常洽聞記永徽中魏郡王方言拾得此之蠟櫻 樹以果獻刺史王慎王貢于高宗以為朱棹

又名五色林檎或謂之聯珠果上重之賜王方言文林郎亦號此果為文林果俗云頻婆果環中迂叟象教皮編云頻婆

相思果也采蘭雜志佛書 花紅 沙果 酸子 甜子 檳 所謂頻婆華言相思也

子 胡廝賴 杏身按李所生似 郁李 一名車 梅 邑中少梅樹 李亦似杏故名 下李 間有之也

無花果 葉似葵不花 木瓜 爾雅郭注實如 藕 邑人以 蓮子 生果如小瓜 小瓜 酢可食 為茶

菱 色紅 芋 南人以為菜 香芋 紅茹 熟之以 甘露子 生土中 兩角 北人以為果

可生 地瓜 亦生土中似甘露 栗 啖 子而大可作蔬

木

榆 柳 白楊 槐 柏 檜 楮 案楮即穀也詩其下維穀又伊陟相太茂毫有

祥桑穀其生於朝 桑 柘 桐 楸 陸璣云楸之疏理白色而生子者為梓圖經梓

木似桐而葉小花紫今按楸樹亦有花有楸樹當有梓樹也 椿 案圖經云椿樗二木形幹大抵相類但椿

實而葉香可噉樗木疎而氣臭北人呼為山椿 冬青 皂莢樹 急就篇注云皂莢樹一名雞栖松中

絕少舊志載之

花

牡丹 芍藥 海棠 蠟梅 薔薇 月季 迎春 木香

棟棠 紫荊 玉簪 萱草 一名鹿葱 剪綈 石竹 山丹 雞

冠 鶯粟 千葉者為麗春木槿案木槿即舜詩所云顏如舜華顏如舜英者 紫薇 海石

榴 博物志云張騫使西域得塗林安石榴種以歸一云來從海外新羅國又名海石榴 金盞 杜鵑

丁香 瑞香 王氏彙苑云廬山瑞香花始緣一比邱晝寢盤石上夢中間花香酷烈覺尋香得之因名睡香

四方奇之謂乃花中祥瑞以瑞易睡 水仙 扁竹 金鳳 荷 旱蓮 南燭

圖經俗謂南天竹按舊志誤名天竺 五蠟梅 玉堂春 菊 百日紅 西番

蓮 滿池嬌 翠蛾眉 秋海棠 夾竹桃 有千葉單葉二種 玫瑰

荼蘼 玉蘭 絳桃 葵 有蜀葵向日 鳳仙 卑雅云吳女以蟬蛻和鳳仙搗之染指甲

紅媚可愛 麻來紅 桂 有丹黃梅有紅白二種

草

葦 茅 蒲 蓼 藻 蘋 萍 蒿 艾 莎 蓬 稗

莠 芟 葛 苔 按苔有各種在水者曰石髮曰水衣曰石衣在陸者曰綠錢曰土花

謂曰 蕨 藜 馬蘭 蕾草 星星

藥

枸杞 地骨皮 車前子 車前即詩所云芣苢 益母草 益母一名芡蔚詩所云中谷有

蕪者即此 金銀花 荆芥 薄荷 荆芥及此藥土人以爲菜 天門冬 天

南星 茵陳 昔人多薺爲菜杜詩云茵陳春藕香洪舜俞老圃賦云酣糟紫蕒之掌沐醞青陳之絲是也

牽牛 蒲黃 芫花 杏仁 桃仁 薏苡仁 桑白皮

蛇床子 大楓子 瓜蒌 稀莨草 皂角 艾

冬 麥門冬 十冬子 萊菔子 地丁 草麻子 地

青子 情實 商陸 射干 天花粉 兔絲子 覆盆子

圓和菜 香附 夜明砂 朴硝

貨

草綿 異物志木棉樹高大實如酒杯皮薄中有綿色正白廣州日南交趾合浦皆有之通鑑梁武帝木棉皂帳史照

釋文云木棉江南多有之以春二三月下種即生須一月三

薺至秋生黃花結實及熟時其皮四裂其中綻出如綿楊升庵文集云綿有三一曰絲綿出於蠶績二曰木棉出於交廣

名班枝花三曰草綿史照釋文所云形狀是而以解木棉則非也今按草綿亦通謂之木棉元史食貨志江南夏稅輸以

木棉布絹絲綿等物是也南人重絲綿大江以北重木棉康邑多種木棉

甚利賴之 棉線 綵 小藍 大藍 棉布 紅花 烟

草 香祖筆記云今世烟草本草爾雅不載姚旅露書呂宋國有草名淡巴菰一名金絲燒烟氣從管中入喉能令人醉

亦辟瘴氣搗汁可毒頭蝨初漳州人自海外攜來  
莆田種之反多於呂宋今處處有之不獨閩矣  
云絲絹間有蜜蠟有黃白火硝康邑盛產此物初煎  
非民所急者為朴硝見前藥類

羽

鴉 鵲 瓦雀 黃雀 黃鶯 鷓鴣 鳩 鴿 啄木

百舌 鷓 鷓鴣 鷓鴣 鷓鴣 鷓鴣 鷓鴣 鷓鴣 鷓鴣  
以上邑燕 雁二物春秋去來非土產

竹雞 鸛鶴 畫眉 鷹 杜鵑 鳧 鴛鴦 鷺鷥 以上  
他處不常有 鷓鴣 鷓鴣 鷓鴣 鷓鴣 鷓鴣 鷓鴣 鷓鴣 鷓鴣

他處不常有 鷓鴣 鷓鴣 鷓鴣 鷓鴣 鷓鴣 鷓鴣 鷓鴣 鷓鴣

毛

兔 獾 狐狸 獾 野馬 驢 牛 羊 豬 狗

貓 俱民間 刺狷 鼠

鱗

鯉 河鯉最佳康邑湖水中出者次之文選注陶朱公養魚經  
曰為生之法水畜第一以六畝地為池池中有九州即求  
懷子鯉魚以二月上旬庚日納池中養鯉者鯉不相食易長  
又貴也今按康地多窪誠使掘地為池以池中土培池上地  
池中畜鯉不愈於棄其鯉一名鮒儀禮土昏禮魚用鮒本  
地常為積水之區乎 鮒注云義取夫婦相依附者也魚草  
行義云今人謂之黑鯉 鮒大首方口鮒大魚名江東呼為鮒  
魚鮒一名鮒胆獨甘 鮒無鱗多涎鮒魚之美者也康邑所  
謂鮒者長二寸餘乃至鯉黃質黑文土 鮒腹白背青土 鮒  
小之魚南人謂之鮒婢魚人謂之黃鮒 鮒人謂之白鮒 鮒  
南方白鮒腹最美黑鮒頭最美餘肉不佳故詩疏引里語曰  
買魚得鮒不如啖茹鮒即鮒也康邑無此種魚之小而長者  
名為鮒大口細鱗魚之美秋不入蝦亦間  
鮒魚者康邑間有之 鮒魚食品蝦有之

鮒 魚者康邑間有之 鮒魚食品蝦有之



河渠

地勢平行密邇黃河隄防偶決泛濫恒多窮源竟委引派分科疏濬不匱樂土與歌志河渠

渦河一名燕城河在縣西北三里上自通許青岡河至杞縣萬彩河流入縣境西北折而東南至丁家橋長一百八里下經淮寧柘城鹿邑及江南之亳州蒙城至懷遠城東入於淮乾隆二十二年知縣武昌國奉文挑濬自南岳岡起至二河岔止長八十二里七十一丈寬六丈至二十一丈底寬一丈至三丈五尺深五尺至七尺兩岸俱築堤

長如所濬里數各高五尺頂寬五尺底寬二丈又建涵洞  
共二十五所以宣洩上流及本境諸溝之水此康邑之幹  
河也

附漢地理志云扶溝縣渦水首受狼湯渠  
顏帥古曰狼音東

至向入淮過郡三行千里又云陳留縣魯渠水首受狼湯

渠東至陽夏入渦渠水經注云陰溝水出陽武縣蕩蕩渠

至沛為渦水入於淮又云陰溝始亂蕩蕩終別於沙而渦

水出焉渦水受沙於扶溝縣逕大扶城西又東南逕陽夏

縣西以上言渦水所出處不一漢志云滎陽縣有蕩蕩渠

首受沛後漢志引通俗文云渠在浚儀曰蕩蕩渠河渠書

言滎陽下引河東南為蕩溝唐章懷太子賢云汴渠即蕩

蕩渠以上言浪蕩渠之名亦不一禹貢維指曰古滎陽今

為滎澤河陰二縣地浪蕩渠首受河處即今河陰縣西二

十里之石門渠是也河渠書蕩溝亦即其處

班志言浪蕩渠首受沛

即河也漢人謂濟水截河而南故曰首受沛

京相璠所謂出河之濟宋張洎云即蕩溝也

流為滎瀆濟水  
水經注云渠水自河與濟亂流東逕滎澤  
北東南分濟歷中牟縣之圃田澤與陽武  
分為官渡水  
渠水又東為陰溝  
秦始皇二十二年王賁斷  
故渠引水東南出以灌大  
梁謂之梁溝世遂目故渠曰  
坂水  
坂即汴字陰溝東南至  
陰溝而以梁溝為浪蕩渠  
大梁城合浪蕩渠其東

導者為浚儀故大梁今祥符為浚儀渠水縣西北有浚儀故城其在大梁城南

者為鴻溝項羽與漢約中分天下鴻溝又兼沙水之曰沙

東南流為百尺溝注於潁水此即班固所謂狼蕩渠首受沛東南至陳入潁者也沙水枝津又為

睢水睢水自陳留縣首受東渦水渦水自扶溝首受袁南

淮南流至宿遷縣入泗名稱不一要皆河陰石門河水為之委別而原同也以

錐指之言觀之則蕩蕩渠首受河渦水首受蕩蕩渠兩言

而決耳班志又云陳留縣魯渠水首受狼蕩渠東至陽夏

入渦渠是渦渠又受魯渠之水然渦水實受扶溝之沙水

自東漢析扶溝為扶樂故隋志言扶樂縣有渦水自唐省

扶樂入太康故明志言太康北有渦水也渦水本自扶溝

逕太康之西而首受蕩蕩渠之處故瀆堙廢不可復尋後

人遂以通許之青岡河為渦河之上流非其本源矣通許

河係康熙三十八年知縣陳治策開挑本無上源乾隆二十二年知縣武昌國奉文挑濬一律寬深

府志云太康渦水在縣北五里其上源自通許境接蔡水

流經縣北東南至亳州下流入淮燕城河在縣西北七十

里自通許界至樊噲口四十里又至丁家橋東六十里引

水入渦河按府志所言渦水上源接蔡水今通許境無蔡

水又云考水經沙水南經扶溝故城東南逕大扶城渦水

於是分焉據此則是渦水所受仍是扶溝之沙水非通許之蔡水矣然就府志言之渦水與燕城河明係二水分源而合流蓋燕城乃近歲新起之名卽舊黃河故道而修之者也其上流則通許之青岡河是已渦水乃沙水之支津其上流故瀆久堙而燕城河卽爲渦水之上流於是青岡河爲渦水之源而燕城河亦通受渦河之稱矣其實燕城河至二河岔入渦河二河岔以上爲燕城河二河岔以下爲渦河也

舊黃河在縣北半里上自高家集北起至高家店二河岔止

長七十里口寬二三丈底寬一丈四五尺深二尺至三尺本黃河南決之故道下流入渦河足以宣洩高賢集之水爲康邑支河之一

附攷

舊志云黃河南徙自祥符赤倉鎮歷小城岡至高賢集分三流而下一由縣西北萬家橋至縣北關繞東關環靈光塔東一由縣西官橋經西關南關環靈光塔前合而東流一由縣正南八里宋家橋至縣東南二十五里馬廠集三流匯而會於渦水注亳州入淮泗相傳爲古黃河又傳爲

宋時運河皆不可攷今按舊志所言河決三流不詳時代  
府志言金昌明五年河決新鄉由太康經本府東南至潁  
州元志云至元二十七年十一月河決祥符義唐灣太康  
通許陳潁二州大被其患明志云太康東馬廠集正統十  
三年河決自杞縣經此通許志云永樂間黃河自陳留界  
入小城店經縣東門入於太康正統二年淤塞成化十八  
年自汴之唐村而決由縣北李道岡直趨太康今亦淤塞  
以上言河決經太康者五唯通許志謂自陳留入小城店  
者疑卽舊志所謂由小城岡至高賢集之故道上流久淤  
而高賢集三流之形其一尙存修而復之則一方之水足  
資宣洩而府志云此河形之內旱則耕種澇則洩水此愚  
民所以貪目前之利而以爲無庸挑濬也

七里橋河在縣東七里自縣北王家老墳漣起至馬廠集後  
入渦河長二十八里口寬一丈四五尺底寬一丈深二尺至  
三尺乾隆二十五年知縣武昌國挑濬以宣洩王家老墳漣  
之水

鐵裏河在縣東北三十五里自龍曲集起至謝家口入渦河  
長六十里口寬二三丈底寬一丈七八尺深三尺至四尺自

郭家橋兩岸築堤高三四尺寬一丈一二尺長四十餘里乾隆二十五年知縣武昌國挑濬以宣洩龍曲集之水

清水河在縣西北四十五里自扶溝縣里天溝入本境崔橋集西南至丁家集止長六十里口寬三丈底寬一丈四五尺深四尺至五尺下流至西華入淮寧柳社河歸大沙河乾隆二十四年知縣武昌國挑濬築堤長六十里高三尺頂寬六尺以宣洩毛家窪並上流共通二邑之水

李貫河在縣西南二十五里自劉李何賀村西起至新安集東南止長五十里口寬三丈底寬一丈四五尺深三尺至四尺下達淮寧之灌河乾隆二十四年知縣武昌國挑濬以宣洩白波窪之水

柳涉河卽柳社河在縣西南三十里自長陵岡地方起至馬家庄西南止長五里口寬一丈五尺底寬一丈深三四尺下流入西華達淮寧柳社河轉入沙河乾隆二十四年知縣武昌國挑濬以宣洩李家窪之水

李坡河在縣東南二十五里自王隆集地方起至張夏村東南止長二十里口寬一丈五尺底寬一丈深三尺至四尺下達淮寧之灌河乾隆二十四年知縣武昌國挑濬以宣洩葉

家窪之水以上七河皆康邑之支河也

蔡河卽宋惠民河謂之東蔡河自扶溝縣張單口逕康邑西南大善寨地方長五里下流入西華縣官清溝歸賈魯河附攷

宋史河渠志云蔡河貫京師閔水自尉氏歷祥符開封合於蔡是爲惠民河府志敘扶溝縣蔡河云東蔡河自汴京由通許尉氏扶溝太康逕郡北而過鹿邑境入潁蓋與古蔡水同源異流今自扶而下太康以上兩瀆俱堙莫可考辨又云沙蔡蓋本一水黃河南徙始亂其故道其遺跡存者張單口迤南是已今按府志於太康不載蔡河舊志載蔡河不敘源流茲特補入

雷河溝在縣西北六十里白崔橋集西起至長營集西入清水河長二十里口寬一丈三尺底寬八九尺深二尺至三尺足以宣洩崔橋集之水

萼臺溝在縣西北二十五里自清香集地方起至馬家村入舊挑河溝下入燕城河長十六里口寬一丈底寬七八尺深二尺至三尺乾隆十五年知縣張足法挑濬二十五年知縣武昌國復挑濬寬深以宣洩萼臺窪之水

舊挑河溝在縣西八里自遜浮口地方至五空橋入燕城河  
長二十里口寬一丈二尺底寬八尺深二尺至三尺乾隆八  
年知縣宋士莊挑濬二十五年知縣武昌國復挑濬寬深以  
宣洩程家窪之水

侯陵溝在縣西十五里自馬臺集地方起至馬家村入舊挑  
河溝長六里口寬一丈底寬八尺深二尺至三尺乾隆十五  
年知縣張足法挑濬二十五年知縣武昌國復挑濬寬深以  
宣洩侯陵窪之水

洪河溝在縣西北三十五里自芝麻窪地方起至洪河嘴入  
燕城河長二十里口寬一丈五尺底寬一丈深二尺至三尺  
足以宣洩棗莊窪之水

白洋溝在縣西北四十里自白洋岡東起至楊家庄入洪河  
溝長四里口寬二丈五尺底寬一丈深二三尺足以宣洩白  
洋岡之水

藍河溝在縣西北三十里自柳林村地方起至衣冠營前入  
侯陵溝長二十六里口寬一丈二尺底寬八尺深二尺至三  
尺足以宣洩申家窪之水

小新溝在縣北二十五里自楊家廟地方起至馬廠集北入

七里河匯入燕城河長二十六里口寬一丈二尺底寬八尺深二尺至三尺足以宣洩張家窪之水

迴龍溝在縣南九里自洪山廟地方起至王隆集北宋家橋入燕城河長四里口寬一丈六尺底寬一丈深三尺足以宣洩迴龍寺窪之水

瓦屋溝在縣西六十里自張馬寇代村地方起至扶溝境毛家橋長十五里口寬一丈六尺底寬一丈深三尺至四尺下流入扶邑蔡河乾隆二十四年知縣武昌國挑濬以宣洩梁家營之水

燕城溝在縣西北六十里自通許黑旺營入本境丁花村起長二里又入杞縣境轉入燕城河長八里乾隆二十四年知縣武昌國移會杞縣一律挑濬口寬一丈二尺底寬八尺深三尺南岸築堤長二里高四尺頂寬二尺底寬一丈以宣洩丁花村之水

郭河溝在縣西北三十五里自崔橋地方起至樊喻口北入燕城河長五十三里口寬二丈底寬一丈二尺深三尺乾隆二十四年知縣武昌國挑濬以宣洩崔橋東之水

訾河溝在縣西北六十五里自崔橋地方起至高陵西入清

水河長三十里口寬一丈二尺底寬八尺深三尺乾隆二十四年知縣武昌國挑濬以宣洩通許黑旺營及本境孫家窪之水

大新溝在縣北二十里自大吉岡地方起至撞莊村入七里河長五十里口寬一丈六尺底寬一丈深三尺乾隆十七年知縣傅輝文挑濬二十四年知縣武昌國復加挑濬以宣洩馬家窪之水

彭蔡溝在縣東五十里自眾城集地方起至入柘城古沙河長五里口寬一丈六尺底寬一丈深三尺乾隆二十四年知縣武昌國挑濬以宣洩彭蔡窪之水

陳村溝在彭蔡窪之東自陳村寺地方起至柘城入古沙河長十六里口寬一丈六尺底寬一丈深三尺乾隆二十年知縣傅輝文挑濬二十五年知縣武昌國復挑寬深以宣洩陳村窪之水

廖家溝在縣東三十里自馬廠集地方起至入鐵裏河長四里口寬一丈六尺底寬一丈深二三尺乾隆二十四年知縣武昌國開挑以宣洩廖家窪之水

十里湖溝在縣東三十五里自黃米口地方起至入鐵裏河

長五里口寬一丈六尺底寬一丈深二尺至三尺乾隆二十五年知縣武昌國開挑以宣洩十里湖之水

王家溝在縣東十里自王家溝起至黃家莊入舊黃河長五里口寬一丈六尺底寬一丈深二尺至三尺乾隆二十五年知縣武昌國開挑以宣洩王家溝之水

響水溝在縣東南四十里自新安集地方起至入李貫河長十里口寬一丈六尺底寬一丈深二尺至三尺乾隆二十五年知縣武昌國開挑以宣洩馮家溝之水

外坡溝在縣東南十五里自明光集地方起至劉家橋入李坡河長十里口寬一丈六尺底寬一丈深三尺乾隆二十四年知縣武昌國開挑以宣洩鄭家溝之水

申家溝在縣南五里自南關地方起至入燕城河長四里口寬一丈二尺底寬八尺深三尺乾隆二十四年知縣武昌國開挑以宣洩申家溝之水

童子溝在縣南六里自杏岡地方起至入燕城河長五里口寬一丈六尺底寬一丈深三尺乾隆二十五年知縣武昌國開挑以宣洩童子溝之水

葦園溝在縣西北三十里自清香集地方起至耿家河西入

燕城河長十里口寬一丈六尺底寬一丈深三尺乾隆二十  
四年知縣武昌國開挑以宣洩李家溝之水

車軸溝在縣北二十五里自楊家廟地方起至入大新溝長

四里口寬一丈六尺底寬一丈深三尺乾隆二十五年知縣

武昌國開挑以宣洩車軸溝之水

方城溝在縣西北十五里自樊噲口地方起至程家橋西入

舊黃河長十六里口寬一丈六尺底寬一丈深三尺乾隆二

十五年知縣武昌國開挑以宣洩桂岡溝之水

李家溝在縣西北五十里自南家溝起至入渦河長八里

口寬一丈二尺底寬八尺深三尺乾隆二十六年知縣武昌

國開挑以宣洩南家溝之水

獨唐溝在縣西十八里自邢家溝起至入渦河長四里口寬

一丈二尺底寬八尺深三尺乾隆二十六年知縣武昌國開

挑以宣洩邢家溝之水

舊志有堤河今無其處又有馬頭河今有穆家馬頭志云北五十

里渡通舊為蔡其地皆無河形又有高明溝在縣南二

十里許村按府志縣西高陵鄉其地亦無溝形又有五子潭有五子臺上有五子

鋪地方府志云又有蓮花池在縣西今皆不知其處又有涿涿灣

亦稱韓家溝在縣東南二十五里有集李波  
河自集後巷至東南地勢窪下今為地名  
縣東為鐵裏今皆有地無水近歲所濬河溝見於舊志者唯  
河經由之地

渦河清水河柳河鐵裏河及響水口十里湖六處而已

隋志云太康有洼水今不知其處舊志載窪十五處白波窪

在縣西南三十五里舊志云同國數百頃水常十餘年不乾  
患屬第一康熙二十年居民棄舊大河然北距縣河既遠南

至陳州黑河界亦二十餘里難以開通害固不免也  
晉家窪府志無  
房岡窪在縣西南江陵窪

在縣內岡窪在縣西北大魚窪在縣西侯陵窪在縣西芝麻窪在縣西北大

名窪在縣西北磚籠窪在縣北雅巢窪在縣西北魚梁窪在縣西北杜岡窪在縣北

西韓家窪在縣東北師家窪在縣東北百頃小者數十頃其水經年不涸萬

歷間縣令雷浦開渠令與今以疏濬諸窪見於舊志者唯  
河通民乃無患見府志

波侯陵桂岡三處而已或舊無今有或舊有今無地勢有遷

遷名稱有改易故不同也

路溝西關至雙陵集二道各長六十里西關至崔橋集二道


各長七十里崔橋至五里口二道各長七十里南關至老

集二道各長三十里北關至程家路口北二道各長五十

里北關至楊家廟二道各長二十五里各口寬八尺底寬

尺深三尺均係舊有乾隆二十四年知縣武昌國文自楊

廟至程家路口北睢州止挑挖路溝長三十里寬深如式



70009974

方集

卷之三

三

